


# HÁPXA QUIH XÁZZOOJ QUIH CUIHÁASSIITIM AC

Roberto Herrera T.

Tíx óahhiha

Hánt com iti cuíhca hac hiz cótáhca hax tama xíccaa ccám con to cotom hánt com iti ton to cómmoom. Óx tpacta to cuíhca iti xázzooj tintica hánt zitao to contíccaaha. Zíx quih ccám táaxo ipocáaho hóoxa zo háiiha. To contíhha iti záaj pac toc tahcama cótáfpma hápxa pac anotoi to ccuóiiha. Zo to cotomma itíipjc hant ícqui itasnanma to cóttoon yoque. Xázzooj cop óx téé yoque:

—¡Ctám hip com islíccoot ac hax xomássoolo! óx itái yoque.



Óx tpactama hápxa com óx téé yoque:

—Óx yopácta. Xázlc quih ctámcö quih cáocl quihtáccootin tá iti hihacóssootimihi óx yopácta, óx téé yoque.

Óx tee itáxxii mos óx téé yoque hápxa com:

—Xázzooj ilít zo toc yiij taax hápx ihcáitajc. Zo ihpóohhiit ihpóoxxií híz ac conthapa xázzooj ihmíhhaa cohseectim, óx téé yoque.

Óx tpactama zaaj chíppoot ta hac táax xcátnij xah yopah mojéppee ccuóottijj chano quíijiha. Táaxah zo haa motama hápx iqui tahquetx hánt tahmasilim hánso táxxaaximma xázzooj cop itíi zíx ti com itáccaatx hápx iqui tpánzx yoque. Tójjoozma hápx iqui tpánzxma hápxa coi mos hápx hant cöteme hápx iqui tpáncoj yoque.



Óx tpactama haa intíihhaat iti héhhee ccuóottijj óx quissooj an quínneej zo haa tomma tíx an hant cösíimmee ta cötázcamma óx téé yoque zix ccuáassiiting quij:

—He íppoot sícp ac ícp hássoomaha. Hé haa cohptáassiitimmá tóii inthámmaat, óx téé yoque.